

沅
湘
耆
舊
集

沅湘耆舊集卷第七十四

新化鄧顯鶴湘臯編輯

長沙毛國翰青垣校訂

陶南陽士傑 九十四首

士傑字倫宰號嵇山寧鄉人雍正癸卯進士累官
湖北漢陽府河南南陽府知府著有運甓軒詩集
嵇山爲密庵先生曾孫補愴明經之子由翰林改
官與弟毅齋方伯齊名爲諸陶之冠

游倦詩

餐椹得金骨冲霄駕飛螭銀漢影清淺衆榆光離離雲中
十二樓常聞鐵笛吹一吹夕圃暮再吹滄浪移人閒信可

沅湘耆舊集 卷第七十四

哀此曲終無時俯視羣蠕動擾擾竟何爲

感懷詩

吳郡古都會積俗尙浮囂村婦誇綺羅青春事遊舫苦無
擔石儲罔有終歲勞昇平日已久戶口日以凋延頸佇秋
熟蒿目傷洪濤何由卒收穫陰雨天蕭蕭

海濱地瘠貧况乃歲云澇禾黍新油油蕩焉胥淪耗壟畝
宅龍龜村廬沒井竈痛哭秋原聲哀哀何所告入城懇縣
官停車相慰勞催科檄如火督郵星夜到郵災詎急公持
檄心悲悼繪圖叫蒼冥九關狎虎豹含涕語羣黎昊天甯
不弔

行邁

百年吾已半皇皇安所求非無五畝宅牢落在林已微官
胡足道歲月空淹畱行適意悄悄地瘠民事稠歸犢識徑
險棲鳥悅林幽崇岡帶星度日夕未得休農人各墜戶黍
稻幸畢收餓隸前叩門云是古驛郵高聲索火炬照耀東
西疇隔離三四叟恍惚語同儔城中少公事鄉里得忘憂
顧慚趨走吏能爲蒼生謀巷犬聲如豹嘯落新蟾鈎墮然
城郭近俯仰翻羈愁遐哉龐德公鹿門長優游

古體十二章

并序

臣士僕菲材守漢四載深愧虛糜惟是士民稍安其愚
直上官亦謬相期許遂爾因循逐隊噉進不止今年春
忽以蜚語陷誣被劾 皇帝震怒下中丞唐公於獄籍

其家褫漢陽武昌守及宜昌郡丞職命制府內大臣推鞫之株累者數十家 上怒且不測士僂竊守僧樓三閱月屢經對簿爾時鉗網布散會城附炎趨利直如黑氣滿船安得叟公可藉檣陰無何構釁者自以賄敗士俛得伸辯枉屈迺分別奏陳其事 上釋中丞罪還所籍財產同患之人或遂廢棄或置重典士僂獨以無罪復職累臣聞 命感與泣交因歷歷記前事漫成俚語音嗁而節促非獨痛定思痛兼以腐目懲頑當座右之箴云爾辛未又五月小暑後三日

揚舫赴天池竅然動蘋末調調復刁刁培風乃旋折妄冀驪祥睡始懼鯨吞養湘中漁父舟淺水蘆花闊

鬱鬱凌霜幹自矜，異凡草剪伐非所辭。
瓠落恐終老還珠，買其櫝賞識意難曉。
握手與嬰兒，鈎金不如棗。

騶虞避葱芊，角觴止屠戮。
世運際昌期，仁風洽陵谷。
云何江漢閒，吞噬羣相逐。
嗟爾狼子心，復逞黔驢足。

高堂語呢喃，殼卵欣生遂。
一朝毀我室，零落無完翅。
歲歲瑤梁恩，胡忍遽捐棄。
打起經兒童，主人詎有意。

螳螂執蟬翼，奮臂張其威。
美蔭將襲處，忘形且自嬉。
誰知異鵲來，忻愉伏禍機。
往復有常理，凋殘事如斯。

九成祀鷄鵠，高軒載鸚鵡。
所獲非分宜，安得不眩走。
三浴釋纍囚，東南舊材數。
王明並受福，百工慎厥守。

浮雲聚族行流水，終日逝新故。
互回薄甯澹，自明志嚇鷄。

鼠已腐物各矜所嗜緝蕭獲驪珠達人常惴惴

我生義黃後遊心於物初渾沌胡鑿死襄野乃迷途下士
聞道笑飾智豈若愚赤水非象罔何以索彛珠

如來昔忍辱怒觸歌利王偉姿三十二一一被殘創其如
人我相無住嗒然忘當辱不能忍懼君再受殃

離垢登彼岸曠劫無迷津因之悟濟險狂瀾涉至誠靈臺
若海嶼天風幾由旬措軀毋以私賢哉呂梁人

刑辟士所懷業因往塵織憂來信無端痛定亦生慧明汗
揭日行轉使謗尤萃尸祝聞畏壘亢倉將避地

翰音天外墜有鶴鳴在陰靜驗著策理大化何成心自注

爲子筮淚無報恩珠聞爲華祝吟衆芳不槁死焉知雨露
得人字

深

發漢陽

麟麟我車聲皎皎白駒駕楚材亦多樗胡爲晉用借四載
守漢南太息江河下隴雜聚羣方燕寢弗遑暇日虞水火
災心計米鹽價弊積百千竇直如甕敝罅補葺敢辭勞
強人俱詫往事意何長撫今懃德化懃懃諸後恭備官豈
傳舍

供帳郵亭下續紛祖道卮酒行三四起祝望各有詞執手
謝同寮明德交相期馬鳴風日冷霜空林葉飛旌旗迴郡
郭興隸前叩辭攘攘喧闐巷淚爲使君揮使君惠不卒奚
以攀臥爲冠帶擁道周晨候午已移中有素心士懷袖出

新詩上言穎渤政下言眷戀私南北惟君命余豈輕別離
感此衆人意攬轡行遲遲

度關

勞生有無涯歲月真梭織二十事馳驅六十未得息當年
類乘繻飛揚負羽翼那知行路難但借培風力駢駢老征
夫迴念中腸逼鬢髭匪昔容關山無改色蒼然楚豫聞嚶
嗟成四塞漢江去我遠大梁目弗極哀鴻滿前途嗷嗷望
孔亟衰晚意轉迂許身惟活國榮悴非所論黽勉供厥職

抵汴梁口號五百字

二旬輪旣做十月霜霞繁楚山盡平野屹立大梁垣大梁
舊名勝沃壤拓中原黃河東北流伊瀕各際環歟噓早成

賦厥民得又安自漢決瓠子河勢漸南奔蚡郃幸收鵝梁
楚忠乃類武皇憫作歌諸臣競負薪河東與龍首二渠一
代助後有樂浪士才亦具經綸濟河還故道開汴受羣湍
通濟鑿板渚隋隄乃嶙峋河汴達淮泗禹蹟日堙填隋勞
唐則逸有宋利相因葺蕩未涸時上下夾水門緬漕吳越
粟艫舳連雲屯廓然大都會韶麗逾周秦吹臺遊覽壯長
嶽園林春下逮明季世維翰尙雄籓如何重熙日閹闕如
荒村勿復問文物似苦謀饗去歲 鑿輿幸膏光萬象
新資賞徧鴛隊補助隨清塵省茲錯上貢念切如傷民膏
呼聲未已馮夷意轉嗔郡邑浸決漑井閭半沈淪麥秋且
無計矧乃沍寒頻開府拊膺歎何辜豫土人已飢已溺懷

觸目動酸辛，千慮期不失。一得咸所掄，監門鄭俠圖。曷敢
壅。上聞爲盱，九重食爰拯。瑣尾瘡，歲曜遠移岱。台星
近燭漬，輓輪沼岸委。綢繆使節勤，殘暑迄仲冬。鉅工久難
竣，大官嚴率作。小吏故逡巡，臣愚畏簡命。身困憂黎元，一
請增拯額。再請塞災源，沒儀跡非渺。九河地固存，水流性
就下。堵築工豈完，久長弗圖治。詎獨郊野懽，不見懷宗末
倉卒灌城闔。天子今仁聖，汪濊湛敷恩。甯惜億萬帑，援
此方墊昏。亦有篋中策，願將獻。帝闈只恐排衆議，當軸
厭囂喧。疏瀹自注海，隄岸終壑鄰。仰祈乾衷斷，博綜先
哲論。計功抵浩劫，明德靡涯垠。巍巍紹神禹，宣防奚足云。

勘河北拯務有述

勁風起晴雪喧
厓怒大河慨然用拯壯心目無狂波登高
望平蕪羣飛鴻驚多哀鳴但求食不暇顧網羅吁嗟粲粲
子焉知終窶瘞香稻有餘粒翠羽長酣歌

釜鷲覆村村授食戶計口疲癯復蠢動心惻尤穉叟所賴
賢邑侯增汰俱親手不然苦繁勞利將胥吏有未雨鮮綢
繆淒風頹腐朽氣數或靡常氓蚩獨任咎要知大酺恩未
若嗟來厚一介尙存心况乃職應守

帝澤良已渥諸司亦已勤其若官廩粟弗遺稼如雲父老
遮我輿泣瀾各紛紜男耕無粒粒婦績無完褰艱難目難
睹收淚勿復云 天恩終不數且爲繪圖聞

沃野舊提封萬家禾黍內誰觸天吳怒致令蟻穴潰衡宇

化蜃樓浩淼失所在卒歲身何依春耕事仍廢側聞大吏
意請拯以工代庶幾轉徙聞畚鍤猶耜耒

牢落賸巨閭輓輸何絡繹筋盡轅下駒檄嚴河上役坻坊
固孔股災殘甯弗惜菽麥罄波濤芻薪亦脂液不聞綠岸
居呻吟動陂澤沈疴縱未起可令傷轉劇登耗各有區緩
急匪無策

擬古二章寄呈鄂虛亭中丞

有鳥立湘干蘆花映秋水飲啄聊自如倦飛欣得止赤霄
靈鳳過獨叫求其似仰瞻五色儀張翼不能弛敢希琅玕
粒所幸雲日邇阿閣倘依巢豈復憚贈矢

白木生衡麓慘澹歷陰雨時抱茂寒心眾芳慚與伍擁腫

全年年豫章榜棟宇二者擬非偷落落焉足取大匠不妄
顧引斤方備矩縱復霜雪侵難隨秋草腐

雜感八首

兩曜碧翁眼臨照下土情羲望無停轡妍媸罔遁形云何
有物來嚙蝕如偏盲野語事誕怪國狗與螿精蒼龍礪其
角白虎森然獰東西汝翼衛胡使異物橫帝鑒終難掩須
與騎復明

坤德順承天奠安慶咸若裂軸忽震盪巨鼇戴還躍川澤
驚翻瀾山林愁隕落貽茲動靜違歎息陰陽錯司晨聞牝
雞得不爲家索

噬母既生梟食父復生獍天地胡不仁兇殘各正命戾氣

轉洪鈞真宰無術柄要自戕厥類鳳麟則何病

神蚪孕九子爪甲各類成力者能重負弱者吼懼鯨况乃
非龍種雲雨詎相因螺贏抑何微負子於螟蛉似我復似
我久乃肖其形但令形容肖穀似亦奚名

啞啞嶺上烏反哺人交譽織絳真孝愛巨觜只貪汗青青
江上橘枝葉各扶疏洞庭實甘芳化枳臭味殊乃知同一
物真偽不相如達人慎賞識當令目懸珠

穹隆道旁石籍籍如有言問君何所愬我質本貞堅官吏
忽見採篆刻豎郊原上爲去思額下思德政篇仁聲出哮
虎闖首每哄然古來忠義輩事過美應傳不俾我流芳迺
以我負羶恐懼雷電擊零落委荒煙曷若一字無峭絕岱

峯巔

秋日過城南小飲

微雨滌殘荷涼風凋碧草
四序功成退余亦安衰老閉戶
復奚營挈杖南鄰好黃髮三兩翁
相見便傾倒林木洩晴
煙清池管蘋藻酌彼延齡觴
緩我憂心擣徘徊日已夕披
襟談未了仰視赤雲西啞啞倦飛鳥

題碧郎禪者聽松圖

嶽麓古虬枝森羅寺前立其旁
白鶴泉清冷可用汲煮泉
松下沸松風灑然集天籟靜塵根
萬牝喧蹴沓座生飛節
香客飮驚雷爇疇識三摩提
早自聞中人

快哉行

穹窿四望火雲張
曦鳥展翅翔中央
自夏徂暑愁恆暘
東隣西陌人蒼黃
蜥蜴在孟詵木郎
土龍負日蟠壇場
焚覲何辜那曝寇
誓聚薪艾環余堂
快哉好雨傾銀潢
馮夷擊鼓呼風長
都水使來旱魃藏
千里一灑羣疑亡
簷溜如奔萬騎驤
漂流川澮漫陂塘
起視槁野波洋洋
謳闕巷市歡同慶
側聞趙豫暨燕疆
麥田枯折颺塵揚
九重夙夜不敢康
直言 詔下銜鸞皇
廓清犴狴疏桁楊
天和乃召驅其殃
澤及江漢均膏光
古云欲雨烹宏羊
人事缺畧祈且禳
赤雞紫鷲空徬徨
偃息有亭山之陽
洗滌煩滯凝清香
不名喜雨喜更狂
濡豪酌酒歌豐穰

嶽麓禹碑歌

元圭帝錫禹功竣隨山刊敷紀貞珉金簡玉書爭冥漢虹
文烏篆輝嶙峋七十二峯湘抱麓七十七字雲中綠龍蛇
在壁紛蟠拏魍魅入林驚竄伏似補南天煉石餘欲呼蒼
史諧聲讀昔聞蝌蚪凌峒嘍平昌黎以後誰窮搜邇時贗
者亦屹立旬旬賞識非明眸毘陵逸士頗好奇大別之嶺
重鏤碑臨摹縮稱倒薤微鈎勒髣髴古意哀豈如此碣流
傳久斧鑿無痕巨靈手稽疑莫辨虞夏蹟闕奧甯自宋唐
有敘疇鑄鼎同昭回北海摩崖焉足取高深湖嶽倚莫安
靈光浩劫長相守

湘江鱗

湘江水暖四月初新鱗美過松江鱸抱琴提醞芳郊路呼

童江上買鱒魚漁舟老媪出回語風掀浪簸難施捕昨日
官衙大設宴供給不周官差怒夜深網得雙魚歸未明送
入城中去

謁蔡忠烈公墓

自注公與先曾大父交好有詩寄懷

昔誦江門集有懷彭澤詩清秋縈別緒自注公寄詩有別後不愁秋不傷之
句季世共憂危已畢先生分無慙後死時泉臺如話舊慷慨

慨慰相知

天柱已教折能無嶽足傾英風培海上

自注公

黑氣滿潭

城草苑塗肝地江流厲齒聲

自注公罵賊時

甯知故人喬

憑弔爲悽情

雨後

雨後晴光爽小園纔覺秋蕉陰低碧落花氣瀉黃流草薺
尋常地瑤琨十二樓但令中不擾吾道總優游

八月三日偕友人小飲桂花下

花光不待月迴照一庭清曠暑香吹盡疏陰翠滴成杯疑

甘露飲

自注用吳猛
入匡廬傳

語雜暮蟲聲坐臥堪旬日主人耐遠

行

燕臺歲莫雜詩

朔風終日凜鍵戶惜三餘花簇燈何喜芸香卷乍舒杯濃
寒琥珀研滴凍蟾蜍炙手權門熱平生恥曳裾

樸拙仍予素心身自討論玉珂隨瑣闥木榻類柴門并斗
虛縻廩文章豈報恩永懷千古事不獨貴乘軒

久矣予懷拙懼然此歲殘漉巾消旅思食字趁閒官麗句
攻何益微言信不刊長楊和羽獵空自樹騷壇

皖江舟中

廓落湘中客羈遲皖水偏江鳴孤棹雨雲亂遠村煙壯志
慙浮梗名場笑聚羶半生行止事回首意茫然

宿五溪橋

上界門庭闢躋攀第一重水光生落日天影亂晴峯蠟屐
身無礙繩牀膝暫容遊情忻不寐未曙聽晨鐘

小僊橋

壁立千尋鐵雲根入大虛奔巒翻海湧積勳補天餘湖隱
龍蛇窟關疑虎豹居仙蹤何處覓願受養靈書

望江亭

孤亭斜檻日衆壑
越林風脈脈寒江影
濛濛一氣中
鳥飛迴嶺半
泉響落晴空
休逐塵埃老
憑高思不窮

郊外苦雨

山峇時出沒雲淨復雲生
春減落花處寒餘布穀聲
蹇蹇衝淖險漁網聚池平
且喜溝隄固村農不礙耕

衙齋夜坐示禹九兄弟

雨歇延清曠坐深香篆殘
澹如居士室消得落英餐
螢影然蕉綠蟲聲聚竹寒
一行新過雁矯翼向雲端

出都後寄別八弟中少

度關春已邈回首暮雲遲
物自成欣悅人偏老
別離坐殘

鴻序警夢續鵲原詩汎槎天涯意今宵只獨知

一髮青山在江南似夙因狂歌出燕趙薄宦飽風塵鑪鼓

中宵急

自注竟夕大風

鏗然隻影親底須相送遠前路浩無垠注自

臨行弟欲偕諸友遠送城外予固止之

欲別強談笑盈眶淚不流恐予歧路泣增汝望鄉愁沙眯
行疑夜霜侵意似秋廿年憐去住辛苦是 皇州

新修晴川閣成登眺卽事四首

重構如經劫憑高遂改觀秋暉凝碧瓦江色上朱闌鸚鵡
名猶舊岫嶺篆未殘偶來閒佇立今古思無端

幾歲塵氛眼登高始一開山川徵禹貢雲雨見襄臺鳳憶
城頭集桃宜洞口栽鬱葱千萬戶迴望氣佳哉自注郡城依凌鳳山

大別山旁
有桃花洞

珥筆疑天祿元龜欲載書靈光列宿下文物九疇餘可少
詞人賦應教羽客居鶴樓邀玉笛吹煖古梅墟
虛白瀕江起蒼茫一氣扶聽濤隨地濶敷座入雲孤遠嶼
爭新故晴煙乍有無誰知泡影意桑海亦斯須

過洞庭

一葉洞庭耀湖光萬頃平迢空漠自撼太始月孤行漠漠
冥鴻影悠悠釣客情勞塵雨霜鬢擊楫歎浮生
風濤飽所歷閱此信奇觀遠岸依雲盡高竇浸水寒盪胸
增浩渺得句共波瀾湘瑟遷餘曲峯青何處看

宿港口萬年庵次壁間吳荆山宗伯韻

枕畔方思寂耳邊猶似喧非關輪楫倦永歎雨雲翻度衆
元無相逃空亦報恩迴看心不染今夕是聞門

中州雜詩

高下出林麓豁然天宇清舉頭中嶽影傾耳大河聲
從公役艱危盡室行濟時董賈意遮莫負平生

楚客狂歌老吹臺登望遲難逢高李輩聊與雁鴻期雲白
金隄路風清水戰池緬懷入芒碭此意杜陵知

迢隘成臯路熙朝險亦夷萬家臧壁壘十畝足棲遲周鄭
憑依處項劉掎角時千秋同逝水無事紀興衰

豫土習遊數洛陽今始過猶傳寺白馬誰問棘銅駝倚嶽
精英聚中天氣候和乘舟在德卜世意如何

頓覺躬耕好大名何必論一祠專有岸三戶尙感邨花石

黃冠埽園田紫綵存娟娟砌篠淨故是臥龍孫自注諸葛祠四三十

餘頃明嘉靖時御賜

隱靜黃華雨荒村日暮煙置郵今博望開國事何年身入
牽牛幻名從宛馬傳不教逢漢武誰復識張騫

界破中原路豁然風景殊輪蹄沿晉豫驢軸入荆吳明德
禹功遠安流賈策無不知千里潤幾處被榛蕪

繞寺萬竿竹秋聲滿碧空蕭然黃落日宛在綠猗風洗鉢
僧依蔭垂鈎客假筒何當謝塵鞅偃息就深叢

風穴寺

密林藏淨域曲折步青蒼偶墮閒雲影時生古柏香風泉

聞斷續身世換炎涼八十枯僧座鴉鳴論未央

歸山廬作

疲茶歸來日漂搖向有家酒泉彭澤秫茅土邵陵瓜
遠障青峯在空庭老樹嘉春風吹不到歷亂已開花

乾坤半畝豎樓託並羣生冷煖占花信陰晴辨鳥聲
一竿湘水碧雙屐嶽雲平遊賞邀朋故相看盡老更

閒居雜興

未煩詹尹卜意愜便安居蘭芷足紉佩煙霞無券書
瓣香清晝永幽夢北窗餘數武栽花徑蕪時偶自鋤

盼蠻塵埃事醯雞澤畔身煮鑪雖有耳懸鐸怪搖扇
漁父遙相識神關近可隣濁醪還強飲怕作獨醒人

春情殊落寞，雨意故纏綿。
花澹夕煙鳴，鷺酸曉露天。
掩關如避世，索句擬遊仙。
北海盧敖去，相期何日還。

楊子江放棹

萬頃玻璃一葉舟，金焦倒影共天浮。
乘虛擬向河源客，狎浪真隨海上鷗。
龍山寺雲趨海島，鶴盤關月近揚州。
眼光無界情無際，奇絕年來是此遊。

詠秦穆

封豨事畢長戎西，穆誓居然典訓齊。
金策河山天帝醉，北陵風雨旅魂悽。
怵心棘木歌黃鳥，感瑞陳倉祀碧雞。
坑盡諸儒臨海岱，當年已自啟端倪。

五河舟中

霜繁露冷湖氣渾荒郊永夜無啾喧舴艋欲繫牽歸夢蟾
蜍有光閤別魂蘆邊雁警捕魚火樹下人唱飯牛村茅舍
團團杖藜者窮老不知愁倚門

太乙樓成同友人登眺有作

心跡何緣獲並清署樓離立湧巖城天風遣雁橫江影秋
水懷人落日情少住莫須嫌老子沒虛偶爲話長生此間
百尺誰當臥已覺元龍意氣平

讀諸友宴後詩再疊前韻

簾幙香生浣夢魂碧霄塵界意俱渾四時可愛春三月萬
事何如酒一樽黃鳥助吟殊歷歷桃花醉眼自昏昏卻慙
鄧雪紛盈座盡向狂求細討論

樊城江上

此地曾聞百戰場，繫船江上立斜陽。
千家煙火頽垣在，幾代兵戈舊壘荒。
楚塞峯連蒿影綠，玉門泉到漢流長。
淒然無限興衰事，滿眼春光意自傷。

壬寅元旦後五日敬次松門世父除夕寄示原韻

曉來鶯語一聲過，客舍春光可柰旬。
晴雨但將新歲較，米

薪常累故人，多中原藻鑑歸湘水，南國風流競楚歌。自注

父操選政于揚州同郡客儀徵者六人薄醉江干舒望眼，殘梅急雪舞婆娑。

次韻答陳二會侯夜話書感長句

塵堦流浪各襟期，曩積難傾酒一卮。
偶悟前因看馬耳，那能垂老學蛾眉。
青鞵布襪遊偏滯，赤被金車困亦隨。
隱見

浮生誰是好其君清夜靜思之

次韻答陳古漁茂才

蘭苕詎敢薄今人一卷韋編淨幻塵
硯滴丹餘研後露花開雨帶畫前春
朋來劇共煙霞話老去難稱草莽臣
且喜新詩投座滿長哦此日是閒身

辛巳新歲作

晚歲行藏勿復論敝裘絮帽負朝暉
支離詎傲人閒世渾沌常依衆妙門
石聚蕪園成舊友瓢懸老樹得芳樽
回頭往事紛馳逐佚我勞生大塊恩

答友人問

乾坤若大著吾廬放眼雲山賦
遂初朱紱早無逢世技白

頭安有絕交書。蓬壺日月仍過隙。黃綺衣冠笑曳裾。莫向
老僧稽往事。閒來心境卻如如。

動止

閑來動止但求安。跡近和光與自寬。偶漉烏巾延郡將。旬

思魚鱸過都官。稻香菡萏瓷罌淨。自注稻香圃主人惠荷花蘭若葡萄

水玉寒。自注千壽寺僧餉葡萄便襲清芬滌殘暑。黑甜高枕笑邯鄲。

雨過

雨過清和雨更涼。閒吟盡日對寒芳。三年刻楮工何益。五
月披裘事已常。鼓吹晚噴呈催蠟。柴扉謹護學顛當。黃庭
委案朱絃靜。時爇金龜一縷香。

曉渡湘江過寧邑

澤畔聞來弗羨魚一航清興望中舒橫江渚嶼浮終古平
楚青蒼入太虛茅店霜橋紛驛騎柳溪煙市舊吾廬當年
文酒諸昆季落落晨星尙幾餘

亦園卽事

黃髮居然並老更劇憐秋色半枯榮樽添雨後煙霞味花
落林前杖履聲妙相空來疇爾我冬談幻處便蓬瀛殘棋
未了夕陽下珂月斜窺戶牖明

古意二

逆開惹問苦繭薄繅難成春潮澗底急隨風浪有聲
隴上拾兔絲隴下鋤燕麥昔昔抱函關雞鳴能不絕

癸未秋日漫書

賈公三議豎千秋上策闔閭徙冀州若使當年依此策未
知何日覓新疇

淮北冬霜甘露結淮南丹竈沈榆煎杜公斗酒此齊價恰
有三百青銅錢

元湖著舊集卷第七十四終

沅湘耆舊集卷第七十五

新化鄧顯鶴湘舉編輯

長沙毛國翰青垣校訂

王徵君文清 四十首

文清字廷鑑號九溪寧鄉人雍正甲辰進士舉博
學鴻詞充三禮館纂修以資投寶慶府教授朱文
端公奏請留館改中書科中書兼律呂正義館纂
修遷宗人府主事調經史館校勘考取御史旋乞
假終養回籍乾隆壬申薦舉經學以父喪未赴服
闋遂不仕年九十二終於家先生博學強記在三
禮館久書成功第一同館諸公咸斂手推服雍乾

閒鴻博經學兩制科中外鉅公交章推轂無異詞
詩非其所留意也先生初官九谿衛學正故九溪
之號最著所著書甚富已刊行者周禮會要儀禮
分節句讀考古略考古補考古原始讀古紀略
鋤經餘草續草等集其考古源流五百八十卷典
制大文二百餘卷皆寫本先生與余外曾王父毛
上軒先生交好外大父松鄰府君親受業其門余
毀齒時卽震其名嘉慶癸酉來寧鄉爲邑宰王君
餘英言始詳請入祀鄉賢

披衣

披衣欲出門到門步還止門外荆棘多雷露正瀟瀟回身

獨掩扉幃遂浪遊子須與清風至習習烏皮几與汝成故人往復秋光裏

讀李北海嶽麓碑有懷

孔璋奇男子捐身請代公所代匪意氣直爲道義同文章
照四裔千古嘯英風此碑傳三絕岫嶽映玲瓏臨摹人絡
繹朗誦聲摩空吁嗟青蠅作北海道斯窮何人能尙論只
有杜陵翁

田家

小人食其力君子亦治生自分學老農及時聞倉庚隔宿
商亞旒羣起當五更驅牛前村去反手關柴荆割草飽牛
力山田賴爾耕

百草奪良苗蔓引聚其族良苗不敢爭田祖爲之哭薄言
懃社方社方足踏踏上天雨露偏滋惡一何速老農顧之
歎頓足還捧腹非種盡鋤之無令禍根伏

古意

夫婿去天邊寒夜理杼袖芳心獨自持不爲春風逐德音
念古歡寶刀耀戎服雲雨有聚散金石無反覆

池鶴

爾自巢松頂深夜看梅花厥聲聞九天餘響落流霞繳羽
來池上引吭者有嗟露寒頻自警池心月又斜他時返遶
東人代改春華寄謝乘軒侶殊榮未可誇

余守備詩并序

明八達嶺殉難余守備不傳今百餘年矣有老人爲周
司馬蓉齋詳述之司馬爲之作傳併勒諸石因索余詩
其表之

丹心黯黯青編絕守死孤臣何日雪天教野老訟沈魂百
年忽瀝關城血將軍苦膽丁陸危區區偏裨隸北陲迎降
列鎮同謀久几上肉餘孤健兒萬丈雄關盡披靡羸軍况
復無角犄子身突出櫻亂鋒斷頭將軍惟有死死時壁立
不可摧自擲頭顱堆積屍英魂颯爽將何往誓護龍馭揚
前旗可憐此事亡國有如何不落史臣手白頭來說鬢髯
張乾坤震盪空搔首河西司馬爲歛歔傳成忠節其姓余
雄關卓立一片石覽者如搜董狐書吁嗟乎神京吮背居

庸屹入達橫雲何峻極早將鎖鑰付斯人何處飛來關外
賊我歌此詩續遺編萬古守臣當動色

有憶

斯人久不見望望倚闌干柳色秋江老蘆花夜月寒夢中
同醉醒燈下各悲歡應念孤征客霜貂舊已殘

送張復庵同年

與君分楚越並馬到燕臺上國存知己清時正愛才江湖
秋氣老風雨暮天哀歸去休惆悵春明待汝來

京江阻風

不怨石尤惡惟愁乏羽翰犬高雲氣遠江濶浪聲寒擊楫
心徒壯春濤枕未安青青橫北固空對夕陽殘

君山

萬頃中流處，嶙峋影欲迷。
雲生風日冷，浪蹴野天低。
秋草春申墓，寒花帝子噓。
何人思剡，卻萬古此畱題。

庚午二月恭閱邸報，知大學士史阿二公及都憲梅
公交章以文清經學薦，比奉部文促召感賦，兼答同
薦胡吳顧范諸公。

一從歸歎，無復夢風塵。
豈意夔龍佐，猶思草莽臣。
微書傳海內，溫語下江濱。
自愧微材劣，芻蕘未敢陳。

十畝

十畝幽棲地，乾坤獨放歌。
三春今又去，百歲已無多。
捫虱非吾願，飛蠅奈爾何。
餘年天錫與，行樂莫蹉跎。

下第和夏觀川太史

壓頭何物敢悲天，曾讀南華第一篇。
花鳥多情春老盡，江湖有興月淒然。
東關又見終生去，廣武空教豎子憐。
不信清時徒白首，夜來還夢賦甘泉。

秋懷

西向頻年意氣豪，行行猶未謝蓬蒿。
書生敢借巖廊著，壯志思橫塞上刀。
滄海望迷千里月，江天夢斷五更濤。
清泉白石從吾好，爲囑秋風莫怒號。

驛邸逢行聖公及諸賢裔共話喜賦

鄒魯淵源未易探，驛亭何幸共停驂。
司天應奏諸星聚，傾蓋先知此道南。
孔壁餘音還嫋嫋，泰山終古自巖巖。

聖朝寵遇殊恩禮十日綸音下再三

送陳滄洲先生視河

軺星昨夜帶芒寒持節匆匆上錦鞶閉閣十年思補過揚
帆何計可安瀾梯航西北勞民易保障東南報國難此去
魚龍應怵舞次公今日起當官

寄滄洲

馬革沙場願未酬長安詩酒託風流補天事遠心如醉憂
國年深鬢早秋竿木若曹元泡影浮雲吾道一虛舟今逢
攬轡澄清日盤錯紛紛刃始游

昨夜星光動北辰遙知涕淚灑河濱鞠躬何日忘

先帝報國於今屬世臣趨走夢中新黻冕殷勤 詔下舊

絲綸當年 天眷邱山重努力加餐豈爲身

乙卯除夕卽事次韻

拳拳秉燭叩空虛誰遣匆匆歲又除吾道敢爭千古事名
山悔欠十年書殷勤 天語來仙殿燦爛文光動 帝車
出震正從明日始未央今夜問何如

挽陳恪勤公

長恨寒泉膏久屯河干聊洗十年塵市空何意頻逢虎母
在深知弗殺人鼎畔哭攀 天上駕宣房力負病時薪
國恩未報悲遺表痛入淮南草不春

秋夜偶成

莫因遲暮悲飄蓬回首光陰廿載中八月雁來偷塞北長

沙人在鳳城東天家制作歸周禮南國文章闕楚風閒說
子雲思執戟瓊龍應集未央宮

壽徐壇長侍讀

扶杖從容入紫庭手摩宮樹尚青青曾司海內文章命
不寫山陰道士經漢席三重勞顧問周家六典作儀型時
長共修三禮忘年把臂吹黎火五夜相將校丙丁

丁巳余得補寶慶教授大學士朱鄂兩公奏階備
纂修三禮之員蒙旨俞允遂以中書科補用謝

恩恭紀

微臣沐浴拜彤墀囊筆趨階俶此時歲月媿從湖海暮
文章忝受帝王知手持綸綍歸鸞掖身共夔龍立

鳳池翹首五雲天，尺五書生何以答。恩私

除夕書懷

七尺昂藏白首餘，年年此夜問何如。亦知才拙難供職，贏得官閒好讀書。鴉帶晚寒迎歲蚤，花辭殘臘入春初。六經心事還依舊，肯向人間賦子虛。

辛酉除夕答三禮律呂兩館同人

十年牛馬笑浮名，轉瞬王春只五更。曠代有時興禮樂，書生何幸與修明。簡搜粉蠹歸三古，手叩宮商溯九成。稍喜老親猶健飯，兒曹盛事說神京。

留別都憲梅循齋先生

毅成

部前馳馬五更游，露簡天寒筆未收。大諫不辭休苦口，至

鶴從善已如流殿中白虎司羣命雲裏霜鵬換晚秋老去
一心惟捧日何人敢爲稻梁謀

山居久謝鳳皇樓願我孫陽欲晚收列坐何期傾沈范讀
書未肯擬應劉漢廷卿相崇經術天上弓旌下隴頭無奈
腐儒空襍纈朱衣隊裏莫淹留

明廷制作憶前修橐筆書生此舊游白虎風生還入席石
渠月皎正當樓光寒藜火三千軸硯蘸金壺十二秋玉版
勒成歸去後六經吾道在林邱

不爭聲價飲青萍紫氣偏衝北斗星學問從來關氣運人
才元爲報朝廷治庖事畢無須代游刃功成漫發硯誰道
玉郎猶斫地懷中完璧是遺經

卅年游子白駒歌，抑復天街響玉珂。
曉雨送歸瓊島月，秋風吹起洞庭波。
林花露溼沾衣履，蟋蟀燈寒挂薜蘿。
南浦菱荷聊采采，故人萬里意如何。

一葉梧桐下曉風，長江落葉正匆匆。
幾年菽水悲風木，何物蘆苓入藥籠。
文獻東南餘野老，衣冠尹媿故家風。
紫萸黃菊迎歸客，北望雲端萬里鴻。

匹馬燕關夕照陰，蘆溝秋水晚來深。
著書莫笑無成局，傳

世猶餘未死心。古道尙期偕黻珮，九原可作問人琴。

自注

庵時讀陸稼書于北伊誰再結王生襪，搔首重抽白玉簪。

漢尚勿庵諸道集

黃鳥寒雲不可尋，修門別候正蕭森。
湘南薊北遙相許，廊
朝江湖共此心。白髮掉頭歸故國，青山洗耳聽遺音。
泉變

事業知何限萬柳堂東有綠陰

示同舟

一葦飄然別帝京滄洲海畔棹歌聲
新知借問同鄉貫故舊驚聞半死生
萬里乾坤同過客遙天雲水共歸程
深山自分潛夫老又向諸君問姓名

老去

不須空讀馬蹏篇老至風光自灑然
但願康衢長擊壤甯煩杞國浪憂天
百年好事浮雲裏萬里懷人落照邊
好羨汀洲南去雁洞庭秋水正流連

秋風

飛飛紅樹葉莫恨五更風不是秋時落
春來何處紅

偶見

雲去山色青雲住山色白去住雲不知空山自成色

古別離

郎去馬行遲一走一回顧最恨是青山遮斷回頭路
不須招我魂一任隨郎去今夜月明中伴郎宿何處

風荷

閒雲湖上去片片傍遊人飛入風荷院翩翩綠滿身

陶布政士儻三十二首

士儻字中少號毅齋寧鄉人雍正癸卯舉人由江
西上饒知縣行取御史累官福建布政使著有
鳳岡詩鈔豫章小草東行小草西江行役紀等集

方伯爲稽山太守之弟居官多善政詩春容大雅
稱其門風

秋夜寄七兄六十韻

中庭夜徬徨披衣坐秉燭四壁唧蟲音呼童睡正熟玉蟾
照屋雷銀牀寒輾轉俄聞起西北長松風謾謾勢奔萬騎
塵響振千山瀑清商徧大地搖落林木禿仰視何蒼茫灑
空氣慘肅物候分榮枯人事亦往復歲月老乾坤身世嗟
魚鹿短髮漸蕭蕭濡毫情百斛憶昔年少日十齡習誦讀
與兄歌藻芹並受國士目孺生大小兒浴下東西陸猥比
雙珠樹生材云不獨家世本青箱鄴架近萬軸勤劬過庭
訓指是祖貽穀汝曹溯先型致身毋碌碌禮樂兼兵農星

緯及易卜稽古求實用精粗所當蓄廿年螢火帷五夜雞
聲嗷琢璞期珪璋有美非韞積頗懷經世心不屑敗書簞
兒如騏驥步千里一踢蹶弱冠動公卿蔚然爲彬郁丹山
五色鳳飛向玉梧宿和鳴中宮商凡響多龔龔海角憂瘡
瘕詞苑選良牧行行試吾道命車日指轂文章報稱微治
安籌畫夙哀鴻綏四野風櫛而雨沐宦海日沉浮十載駟
光速退食吟從容無心計盈縮枯桐甘爨下漫鳴汝水澳
鉛刀借治庖折鼎懼覆餗移官古信陽百室空杼軸蟻聚
壘多烽戎行弓載箠銅塘山萬仞孤撐半天矗俯臨洞窈
冥仰登心殼鯁負劍手攀蘿穿雲石摩腹誓死作魑魅擊
寇禦山谷 聖德清妖氛軍門無血鏃生還得軀命慶

幸滋慙惡故山鶴唳幽南天雁羽翻白髮兩高堂七十年
又六同生人共七四散紛落寞大兄吳越走頻年苦奔還
弟齡甫十三抱書就村塾長姊悲黃泉次縈泣湘竹有妹
賦澣衣歸寧隔江麓况復我兩人天涯升斗祿迢遞悵關
山團圓念骨肉幾載倚閨情默默仰天祝鄉書昨日至負
郭田未鬻南山無舊虎東作有新犢種秫歲堪登釀泉香
可掬宅旁園二畝雲滿琅玕綠春池長白蘋秋雨吐黃菊
鄰叟時到門含怒再三鞠遊子胡不歸壟畔荒麥救聞之
生感嘆夜永中情蹙進退觸藩泚飄零失羣鶩近况訊江
南寄此尺一牘

美人贈劍圖爲松江李二題時李君有出塞之作

男兒當如衛霍才三寸毛錐安用哉世上寶刀誰解贈蛾
眉慧眼知塵埃風神奕奕傳阿堵美人壯士情千古彈缺
倚雲天外看珮環響月帳中舞干將鎮錡一朝逢高飛比
翼化雙龍雌雄萬里冰霜道功成還伴五湖老

客談海上魚化鹿事甚奇卽事口占

潛而鱗者走而角朝遊珠淵暮林麓莫疑海上幻神奇造
化推遷同轉轂蚌能化雀鳩變鷹深谷爲林岸爲谷出水
入山事等閒可嘆余生竟魚鹿

月夜同謝玉亭坐圓亭

何人憐好月與子共瑤琴夜肅湖山氣亭空今古心殘燼
青一縷涼露白千林老鶴鳴

春晚宿水雲寺

雨歇禪扉靜泠泠松徑濤碑荒殘綠字佛古臥青蒿野色
窗收迴江聲閣聽高夜來吾早覺不待吼蒲牢

送蒼石之蜀江

客遊輕萬里圖史載扁舟風穩鳥眠浪雲涼雁帶秋肚懷
歌玉墨遺事問金牛灑灑千堆雪鄉心易白頭

送黃生之巴陵

瑟瑟霜楓岸孤帆不可畱笙歌梁苑客風雨岳陽樓鄉信
遠憑雁詩情好狎鷗君山拳石立浩蕩砥中流

登靈山絕頂

道紆千磴曲身屈萬峯高眼底川源古籠中日月勞人生

雙蠟殿世事一鴻毛
天半冷泠起松風湧翠濤

送蔣諗庭宰黔中

聞說黔中事君行我慨然
猿聲千嶺月烽火百蠻天
德舞虞廷羽風清宓子絃
須知懷遠意不事枕戈眠

春雨阻象山公廨荷張明府送酒焦二尹送花走筆

答謝

豈踐平原約相依十日留
江風鯨浪白暮雨象山秋
扁戶同禪定攤書當臥遊
自注時闕貴溪縣志名花兼美酒二妙破新愁

雪夜行次獻城

涼風吹短鬢朔野動長吟
天地冰霜夜關河歲月心
山光千樹碧樓影一燈青
旅館秋先入醇醪道味深
自注是夜制府孫先

子不館

行次兗州馬上望曲阜諸山

郭外輕陰樹行行寒日西三旬衣雨雪萬里路燕齊并邑
看風古津梁怯道迷高山安可陟仰止白雲低

行次桐城聞隔七兄石埭官署僅三百里感賦寄呈

我懷江樹邈兄念薊雲寒到此無多路偏教會面難客情

牽去住鄉信重平安雨雪門前滿雙親淚眼看

自注時附書長沙

過東林寺

自注寺建自晉代慧遠禪師送陶靖節陸靜修過虎溪三笑處在此今石橋猶存

曲徑千年寺窅然鐘磬清橋猶迎客屐笑獨有溪聲半牖
松閒雨一峯天外晴老僧懷舊社傾倒說淵明

再泛西湖喜晴

天意同春意憐人萬里來舫移青玉鏡峯吐白雲堆翠柳
鶯頻囀孤亭鶴好回清風林處士千載渺予懷

三泛西湖值雨

不盡湖光興寧愁風雨飄一年剛二月雙槳第三朝岸綠
亭圍柳峯青石卷蕉

白注丁家山有蕉

石金身看十丈秉燭到僧寮

夜過大佛寺

遊雲林寺

爲愛晴明好探奇到上方泉驚天半雨澗度日邊梁梵唄
清塵夢雲巖幻佛光亭空掃石座身與世俱涼

遊韜光寺次白香山原韻

絕壁雲中磴濃陰竹裏家峯高馳野馬門靜落松花池水

金蓮種自注上有金蓮池

春階玉笋芽坐收江海勝清話煮新茶

秋日涖信州官舍二首

一枝頻徙愧鷓鴣天畔勞勞片羽翛雲起野連閩海氣川

明樓入富春潮市殘戎馬居民少

自注信州舊爲耿賊所破

山斷征鴻

故國遙欣翦草萊荒徑關綠陰新雨半窗蕉

身世滄江一葉浮山城長嘯雨風颺飽分餘粟孤亭鶴寒

賸當年五月裘聊向詩書尋舊侶不關尊膾感深秋南天

遼闊瀟湘夢白髮柴門雙倚鳩

春正月二日爲余誕辰吳門許麗園賦詩見祝次韻

奉酬

行處春光看冉冉鏡中鬢髮漸絲絲楚鄉夢遠庚寅日吳

詠風清丁卯詩異地論心會幾輩百年聞道更何時恩恩
車馬勞塵裏說到分陰是我師自注許詩有陶侃分陰還自惜之句

駐軍銅塘山頂

平岡煙樹望濛濛立馬銅塘絕巘東峭石直環千載立巖
關敢閉一丸中龍旗不戰推神武蟻穴全燒識寇窮日暮
三軍刁斗靜長歌解甲倚天風

徐州城外晚眺

控扼東南此巨州河光夕照古今浮風雲甲士雞鳴嶺自注
雞鳴嶺張良自注燕子樓自注燕子樓張建封妾關
散頂羽兵處水雪佳人燕自注盼盼殉節地俱在徐州城
外遠樹霏微齊地盡殘煙寂歷楚山愁雍門夜鼓誰家瑟
自注雍門清徹孤城月半鉤

彭城弔項王

莫將成敗說江東衣繡歸來運適窮鉅鹿不先爭趙野真

龍未易到關中殘兵古渡彭城道落日危樓楚國宮

自注黃樓

卽項王宮故址蓋世拔山今未死試聽驥馬夜嘶風

弔留侯

家相銅鞮五世餘虎狼吞噬恨何如韓仇空擊沙中鐵秦
火難燒圯上書進履不妨黃石屈分茅未比赤松居應知
故國君恩報富貴神仙事總虛

讀高東瞻總鎮征藏諸詩激昂清壯西域風上歷歷
如繪馬上率題一章

秋霜劍氣春花管儒將雍容信不虛路窄孤軍飛鳥外詩

汾州耆舊集卷之三
百戰枕戈餘壯圖宛繪風雲陣異俗疑觀山海書卻憶
張鷟持漢節西行未徧歷穹廬

南昌登滕王閣

十年曾作南州吏萬里重披帝子帷閣外雲山今似昔江
干棨戟是還非自注憶謝中丞王方伯諸君子城橫暮靄千蕺台浪捲遙
山獨鳥飛楚塞荒關天漠漠畫闌芳草思依依

舟次上饒憶先年承乏其地俯仰今昔日月如流口

占示諸父老

石潭新水漲春流城郭依依塔影浮聽雨篷窗千里浪披
星綠野十年秋風煙最喜桑麻舊父老還勞雞黍謀慙向
一杯亭下路趙公祠下姓名聞白注邑人爲余立石宋一
趙公汝愚一杯亭側

薄暮微雨泛西湖憶不到此者十年矣

湖上離情寄夢遙春波淼淼晚蕭蕭十年煙雨來孤艇千
古鶯花在六橋臺榭不遮眞面目管絃仍帶舊風謠酒闌
滅燭湖亭坐月下空濛山半腰自注西湖自彭城李公修
增亭臺與十年前所見稍

異故有
五六句

同浙閩諸君入銅塘山勦賊中秋夜軍次高洲值雨
颼颼風起角弓鳴一雨秋江夜洗兵煙霧應教消萬里中
天坐待月華明

進軍銅塘山下逢雪口占示吳總戎

組練光寒瑞雪紛當年淮蔡亂鷺羣看持玉鏡千尋斧好
劈銅塘萬丈雲

過玉山喜晴

羣鳥晴飛數往還
籃輿亦度碧雲關
村煙如霧花如錦
十日江行一日山

沅湘耆舊集卷第七十六

新化鄧顯鶴湘臯編輯

長沙 翰青垣校訂

易主簿祖棻 一首

祖棻字張有一字淑南別號嘯溪湘鄉人官江南
青浦主簿有嘯溪詩稿嘯溪爲島民徵君宗瀛子
工書善畫流傳 禁中 純廟在藩邸時有題
易祖棻墨竹詩見樂善堂集又嘗奉 命爲雨中
山翠圖一時榮之張五渚刺史題嘯溪墨竹詩所
云 今上毓德青宮日題詩會賞東坡筆者也
又其時有易祖榆者亦能詩官太平府松門巡檢

慎郎有送易祖榆之官詩見太平縣志皆一門才也其詩未見嘯溪詩亦止得一首

潮音閣

天風吹磴道傍晚一來過虛殿留殘日危闌浸白波亂山當戶立孤磬入雲多頓覺塵心遠憑虛發浩歌

彭縣丞廷梅

二十五首

廷梅字湘南攸人官河內縣丞陳恪勤公之甥嘗客慎郡王府輯國朝詩選又刻蔡忠烈公悔後集有擊空吟諸體中時有率易語所選詩亦頗不入格以其篤嗜風雅不失舅氏門風故當日壇坫諸君子亦交推之袁簡齋隨園詩話盛稱其一閣

銜夕陽半江紅不定及落日紅不盡遙山青欲來

之句今所見湘南諸詩如此類者亦少茲從攸輿

詩鈔及鄧太初 國朝辨香詩選二集稍擇其近

方雅者存之攸輿詩鈔湘南為恪勤之甥故其學有淵源恪勤守蘇州以重遊虎丘詩

為總督嚙禮劾奏被繫南徐湘南日侍左右集中有南徐和舅氏陳滄洲先生看月詩即其事也居京師客慎郡王邸王別號紫瓊道人嘗命湘南輯

國朝詩選行於世法梧門陶廬雜錄言之甚詳沈歸愚別裁集稱王勤政之暇禮賢下士品近河

間東平讀湘南詩至二三宦豎輕傳語王在牀前自檢詩等語益令人興仰止之思云

人興仰止之思云

秋夕宿憑虛閣

尋幽住此山秋聲即無性一閣銜夕陽半江紅不定澹澹

暮雲低漠漠松陰暝遙見隔林鐙寒空生遠暎移時羣鷺

已日

絕下界聞夕磬無用閉禪關心與萬緣靜

祝融峯看月

維南一主峯
凌凌削天骨
祀典配百王
玉衡近可謁
紫蓋非不朝
俯首難對越
雲來萬壑陰
天柱忽若失
下方釀雨過
月從山上出
歸向絡絲潭
近水鐘聲汨

薄暮同譚丹麓銓部九仙觀看松

自注觀前有松柏二樹自相糾纏合

成一樹人呼為松拍交云

日中登前山及暮在半道四顧人跡稀
山暝天欲小鐘聲度深雲
疏鐙出叢篠門前松與柏
兩樹互糾繚柏為松臧腑松作柏
儀表凌寒節
棱棱經霜色
矯矯感此憶
良朋交情期到老

代友人之濟陽

林塘集同好言笑忘塵機日夕展良會開尊而翠微竹木
澹容與幽芬坐來移歡遊良作適所傷生別離四坐慘不
樂剛卉失芳菲豈無盈觴酒對茲重歎歎行矣不可留邁
會難由期邊橋咽落月仰視河宿稀揮淚一相送故人從
此遊去去征騎遠但見孤鳥飛賞心不易得悵望未能歸

春日程九尊江招遊餐勝樓晚甘園及蕭圃珠湖諸
勝

蕭圃蘆根活珠湖夕照靈眼中氣候暖春色來孤亭亭邊
畫橋斷人語隔煙汀移尊就亭飲衆鱖入寂聽竹風聽簌
簌盃光落空青

丙寅秋日家儀一銓部仲尹侍御磬泉車駕邀同願
息存周景垣兩編修張蓮洲李文木兩比部張月槎
侍御家雲階孝廉張照齋明府讌集陶然亭

老眼睇遙青時被煙雲換西睇山不高疑爲亭作岸亭畔
捲珠簾未及山之半秋山如美人渺渺隔河漢

酒能使人奇秋能使人闊陶然照空秋寸心常孤越苟無
曠士懷何由得超脫西嶺下斜陽涼風清木末

木龍歌爲秦州判官李雙士賦

并序

木龍用以治河見於宋史曾鞏爲陳堯佐作傳誌其事
然制度不得其傳漢陽李昞雙士匠心獨運刻意講求
與古吻合遂上其議於相國高公適清口御壩工險

高公用其法試之遂慶安瀾工以永固河東完司空仿
行其法大效蓋木龍之功能挑水護此岸之隄而水挑
又即可刷彼岸之沙一舉而數善備焉較之下埽開河
不啻事半功倍誠防河良法不可復至矣傳爰作歌以
紀之

伏羲一畫開鴻濛萬類迭運五行中飛潛動植各有屬天
用功大無如龍水火土金各秀羣龍以木稱未之聞木之
爲物性則直龍之爲德變不測朱時防河議造作曾鞏傳
載陳堯佐前人制度今無存不傳其法傳其友李昉讀文
因得法陳之相公天聽納榷楠杞梓松杉構鳩材聚工
在清口篋篠簞篠筌箭筏編纜惟急束惟密非楸非銳非

圓方或伸或屈或短長盤踞上游護御壩木兮木兮龍力大我聞黃河九曲曲曲灣東灣西灘灣對灘灘長一尺沙灣深一尺窪讓者遇灣必下埽遇灘開河引水道開河下埽年復年卽以二說之外心茫然乍聞木龍皆詫異紛紛猜忌生非議不見河東完司空用有成效奏庸功安瀾入告天顏喜木龍功用可知矣良法誰其得要領前有堯佐後李昫刳木爲舟自軒皇編木爲龍豈荒唐龍卽木耶請深論象形按義取諸震始信鍊石可補天以木爲龍五行全雖欲勿用何能舍作歌徧告防河者

陸鶴銘碑久沈鎮江或云王右軍顏魯公王瓚顧况遺蹟舅氏陳滄洲先生守鎮江一日遊焦山從水中

挽置亭上考訂舊本知爲陶貞白筆也寄詩命和

昨日淒風兼楚雨今朝素書到蓬戶開帙細讀真逸銘紙
上猶疑瘞鶴舞瘞鶴曾立焦山巔碑砥中流四面天歲在
建安十三年隱居正向華陽鐫何時走入清涼國水中龍
躍有誰識傳聞蹟類右軍書蘇黃未始辨其極欲擬魯公
窺陂陀蒼鬱奇峭全消磨謂之王瓚與顧况目注寒江漾
碧波直待窮冬水涸出五丁驅向海門窟赤文明滅叟索
奇得認上皇山樵筆千年淪沒見清時神物呵護豈人爲
雲根割取字入十一亭傳將天下知君不見合浦珠還未
有端貞白安能還舊觀又不見雷轟塌碎京口水鳩工構
從沈淵底不有風流太守賢再覩韻事難如此非比尋常

見越石仙蹟寶之莫浪擲後世有人過此亭高情翻弔樹
碑容

西山

入口寄山家山高日易斜秋陰如向晦春夢不逢花大道
知無礙謀生未有涯途窮歸不得垂老亦長嗟

冬日留別山中友人

向曉寒威肅嚴裝束在門霜天疏樹直山徑野煙昏行色
鳴孤劍離情咽一尊許君寸心在臨別復何言

山中待曉

春來眠不穩多起五更中夜氣寒將斂晨光澹欲空崖扉
依竹啟水碓隔山春山裏無羈性行如野鹿同

清明

自注時陝河上事
宜督河使者未行

清明猶自客山城
草檄疏源事屢更
大患只緣曾識字
一官終累是虛名
旅魂白日青天黯
野哭清燐夜月生
惆悵鄉關南北路
頻吞涕淚已無聲

秋日自下相發唯川道上

爽氣西生下相城
薄涼天色事南征
路過靈壁山初見
河到睢陽水自平
忙裏客心爭日落
閒中人意與秋清
郊原處處甯雞犬
高枕深恩託聖明

秋夕河署感作

過日於今嬾把詩
閒廳草色綠離離
杜陵心跡差無愧
周勃刑錢兩不知
月下松迷棲鶴路
座中風動壁琴絲
逍遙

河內三年久借寇聲華恐自欺

偶成

曉起支頤吏事稀捲簾草色入羅幃
春泥燕嘴香能啄花徑
蠶聲煖亦飛靜倚妝臺翻案牘
閑看舞袖夾朝衣華胥好夢都拋卻
政蹟閑情兩不違

侍慎郡王謁了髻山

原注京東偏二百里許上列東嶽之神王奉命祭告時乾隆

七年四月十八日也

曉嵐習習水潺湲薄薄涼生短褐閒
日上半輪明海國天邊雙髻露雲鬢
柔麻非復人寰有雞犬疑從世外閑
北望神京南望岱尼山未到小東山

暮春侍慎郡王登雲罩寺

自注舊名紫蓋峯

策杖攀躋不憚勞，
蔥蔥佳氣滿林臯。
春深禁地雲衣暖，
光射天門海日高。
南面一峯撐紫蓋，
東風二月放紅桃。
尋芳忘卻前谿險，
竹杖芒屨興轉豪。

夏日過東澗率陳珮田陳湘山施達羽謁吳野人先
輩墓

夏木陰陰碧四圍，
荒涼古墓弔人稀。
清時尚且成嘉遯，
幽隴何煩念式微。
日曉氣蒸天暑重，
風高雨帶海雲歸。
感時怕看殘碑字，
浮世重泉兩布衣。

塞上卽事

漠漠黃沙路本艱，
窮邊節候異人寰。
九秋天氣渾如臘，
二月春風未出關。
斷澗殘冰疑滑馬，
墮崖積雪似崩山。
短衣

射虎少年事垂老轉身那易還

遊煙月詩

蒼煙籠水榭月色澹花汀歸漁人不見沙渚宿空舂

大覺寺落成示天目上人

紅塵渾一夢白日是三更未識何時醒空漸大覺名

春杪遊秦淮河

秦淮河畔亂沙汀芳草魂生六代青春去雨中人不惜杜

鵝唳與落花聽

自磁州止邯鄲宿

百里垂楊映水流行人畫裏出磁州此生未了天涯夢來

抱黃梁舊枕頭

湯園紀事園距海澱里許爲世廟藩邸遊詠所今
歸傾郡王

高臥華軒慵起遲日移花影上窗時二三宦豎輕傳語王
在牀前自檢詩

蕭縣丞衍守

二首

衍守字一源湘鄉人國子生考授縣丞有師儉堂
文集奇籬草一源詩集未見湘潭張謙庵爲余言
乾隆初嘗爲其縣昭潭書院山長亦一時名流也

鐵瓦殿引

南嶽之高九千七百三十有六丈七才二峯羅爲象領袖
羣峯曰祝融峯前大道梯雲上上有宮闕透層雲誰其居

之祝融君祝融君能具爐冶石作牆楹鐵作瓦錚錚鐵葉
響罡風依稀吹落洞庭東三秋氣凝積雪白五夜光映扶
桑紅太陽之泉出殿左一綫隱與銀河通我聞銀河通處
仙人住仙殿誰將鐵瓦護試看仙境賴人工登峯自是人
閒路雲收雪霽洞庭開願澆滄海傾金杯鸞車鳳吹偕一
醉嗟爾下界之人胡爲乎不來南天門北斗嶺放腳登來
止俄頃長嘯一聲發深省

道鄉臺

衡峯盡處障清湘中有崇臺表道鄉放逐一帆尋屈賈淹
留片席待朱張盤輝古砌延僧炬鴉噪殘碑誦露章莫怪
當年風雨惡渡江吹送姓名香

車副貢鼎豐 四首

鼎豐字遇上號雙亭晚更名道南邵陽人徧修鼎
晉之弟康熙中副榜有晚聞軒詩文集遇上名父
之子天才奇特著述甚富尤專力於朱五子所著
朱子文語纂編中庸輯略或問台訂凡十餘種其
教學繩墨一書尤盛行於時雍正初楚浙獄起一
時知名士及仕籍中子弟多牽引詞連遇上與其
弟鼎賁同時逮繫在獄五年誦讀不輟著衷聖錄
事已白矣卒以會刊呂氏評語罹禍蒐其遺詩僅
得數首皆有生氣

集飲季弟扇閣用昌黎醉贈張秘書韻

多怪由少見孤陋或寡聞不識天下士空作夜郎君玉屏
挺雄才胸羅星斗文晚晴溢真趣卷舒看閒雲卓犖有孫
子衆英挹馨芬鴛鴦尾附騏驎駭凡羣舌瀾江海翻蔚
慧千人分下筆藐勅敵競欲張三軍旋以酒澆之渴極慳
半醺沈酣到華胥疑煙獨氛氲古人不可及大笑云亦云
嗟哉凡幾輩碌碌逐世紛吾曹得野飲敢嫌韭菹葷鷺何
必四掌髓何必兩裙空庭喧暮雀抱糞吟秋蚊往來尋臭
味聊免蒺藜判從百歲後高築處士墳苟全良匪易道
在躬耕耘耦耕亦千載奚有竹帛勳乘除觀妙理夕晦知
晨曛

疊前韻短述閣中勝概

塵外構小閣忽以便面間方圓信手鑿杜撰無踰君松蟠
柏撐柱皴理象籀文蠖螾繞其顛聚散等煙雲窮冬色逾
好參天遊烈芬結根穿地軸潛半蟄龍羣而况北窗竹搖
翠淇泉分霜風颯清夜銜枚走千軍王人不善飲默坐意
已醺披襟納萬象一室自春氲吾但從吾好豈願俗所云
賓朋偶然集頗不厭罍紛中厨辦咄嗟脫粟斤腥葷呼酒
期爛醉漉巾兼浣裙白眼看世上何啻蝨與蚊圖史雜糞
鼎醇氣恣蒸薰發積古錦囊崔嵬退筆墻讀書不知道石
田空墾耕泰山滄海觀當面樹其勛臥遊卽得之遠征慙
朝曛

五十初度自嘲

少澤者有身 卷第十一
木榻閒消五十年名山事業賸華顛琴橫劍倚誰相惜茗
苦香清我白便老母依然勤夜績穉兒隨分課陳編椿幃
宴笑萊衣舞且卷圖書閣半邊

夏夜夢於一字樓讀書口占

睡起澄懷對古人樓頭曉月白於銀書窗闔闔纔三月管
領湖山多少春

車國子鼎賁 五首

鼎賁字須上號南東邵陽諸生隨父都諫公遷居
金陵以例監更名世南性孝友篤志經學尤熟三
禮以朱子於戴記無成書哀集說禮諸家欲勒成
一編著有正正字通韻正老莊定論小四書集註

十餘種卒以書案牽引與其兄鼎豐同日罹法須
上所居名雙桐書塾僑居金陵距邵陽數千里不
便歸楚應試因念宋儒有打破名利關便是小歇
處之語遂名其齋曰小歇有小歇處殘稿其惜寶
錄近思錄註析微識字韻諸書則獄中作也詩亦
有奇氣惜不得全集僅從其裔孫持謙許錄得數
首持謙號秋舫居金陵久博雅嗜學猶不失車氏
門風云

夜讀有感

天地有精英漏洩在文字吾聞蒼頡時鬼夜哭不止六經
義浩渺四子奧其旨不得已而言如陶冶耒耜素何枝葉

頰累臙徒爲爾能文少不幸識字憂患始語皆有爲發善
會方無疵切已益良多槽粕甯堪擬澌滅殆難盡晦盲不
終否上下千古事俯仰寸心裏學成非無用焚餘研重洗
苟不負天地朝聞夕可死

示兒輩

美成須在久休計遲與速眼孔早放闊勿爲尺寸局百鍊
金有真九轉丹自熟鵲鶴視斯邁螺贏誨式穀傳家天爵
尊何驚於寵辱填寡亦可哀出卜頰握粟克定靡弗勝天
理信宜篤茶飯只家常迥然異流俗此中語云云難爲外
人告度世有良規斯篇宜三復

遊白水洞不果

生爲離鄉人還鄉之難如上天舉足三千里回頭十七年
十七年時一何速三千里路亦非遙所嗟人異昔山川增
寂寥吾楚山川甲六合邵陵尤爲楚之甲惜乎韓柳跡不
到致令嵯峨磊落不能供吐納羣言白水洞舊隱今始顯
天台祗塵凡桃源較猶淺我聞欲奮飛諸昆共起舞杖屨
已登途冰雪當頭阻雪兮雪兮何太虐使我不能出門閣
映書不耐觀烹茗難療渴明朝踏凍上東山千巖萬壑皆
琅玕樹裏江光一片白隔岸塔影落危湍探幽索奇知者
多尋常美景每蹉跎要知人定天能勝但身到處休放過
歸來擁火傾家釀一壺一盞交相讓歌呼嘯傲樂稱狂何
必絕巖窮谷始足相韻頭柰何樂盡悲生不暫停吳頭楚

方洲者有集卷第一
尾淚仍傾有聚卽有散似醉還似醒屈指還鄉之日纔四
旬黯然而仍作離鄉人

別邵陽諸兄弟二首

地北天南雁影忙他鄉還望是家鄉
簷前冰雪爐中火何異彭城話對牀

樹憐零落冰成淚山學龍鍾雪滿顛
一度別離逾一紀百年後度別離天

陳秀才所廸十七首

所廸字頤年一字及吉號橋村邵陽諸生鄉賢曲
周介憲道之于著有風霜草餘年草知非編等集
橋村諸體詩多不入格惟樂府短歌饒有古意故

所存止此

鴉鳴曲

鴉鳴于林曉曉其音弔語成虎衆口爍金
鴉鳴于畿下上其飛患生於細禍起於微
鴉鳴于葦翳翳其尾川不容塞非豈能是
鴉鳴于渚譙譙其羽吉未之聞凶與之處
鴉鳴于樓瘁瘁其口聞者心悒見者怒乳
鴉鳴于柳豈無叢藪未藏爾形先錯爾口

危銘

深淵薄冰一墜萬仞戰兢惕厲風夜自凜

江上吟

江上小姑盼望江郎薄暮不至涕泗兩行

白頭歌

種花雖暫蟬蛸豈久兩物爲婚白頭相守

衣塵

衣塵相隨已踰萬里今豈至家便忍浣洗

蠨蛸

蠨蛸吐絲蝌蚪留跡文章日盛網罟太密

烏夜啼

烏夜啼嗥甚苦風木悲誰返廟

採蓮婦

採蓮婦何婁楚蓮子香蓮心苦

雙行纏

雙行纏足跌妍幾受屈博誰憐

糟糠

糟糠不可厭故舊不可忘紅顏多反側新少多乖張

種竹

種竹不私松松在人易朽何如數竿竹清風生戶牖

蟋蟀

忽驚節候異牀下聞蟋蟀人生能幾何快意安可必

鄧處士昌祖 四首

先叔祖原名之相字季文先大父松堂贈君之母
弟大父兄弟六人先生其季也性穎敏嗜學贈君

授經益陽先生從之遊年未冠以羸疾卒曾大父
巖隱贈君痛之甚遺文滿篋悉取焚之僅傳小詩
數首已刊其一入資江集矣比歸里從兄湘南年

八十矣幼逮侍先大父爲誦兒時所記憶三首亟

增入斯集以永其傳并附錄顯鶴所作墓碣於左

云從祖六府君墓碣鄧氏之法殯者與無後者不

從祖六府君之墓焉君未冠而卒無子法不得

葬如禮實葬正年日月葬後閱八十年爲嘉

慶二十有四年其從孫顯鶴立石碣於墓前乃追

述其略而序之曰君諱昌祖行六字不傳或曰字

季文先曾祖巖隱贈君之第六子先祖室贈君

之母弟而先府君之叔父也實爲顯鶴從祖嗚呼

鄧氏之聚族於茲二百年矣不殯者何眼其流離
轉徙稿死溝壑棄骨原野蓋有有乎若孫而不收
者已今君以長殤無祀之鬼歸然一坏得耐先塋

之側歷八十年之久猶令族之人履墓生哀追悼
不已豈非其賢有大過人者哉余聞之先府君府
君聞之松堂贈君云君貌修偉眉目秀整入九歲
時屹然知巨人十四歲通九經下筆千言幽險奇
放松堂贈君授經益陽君從之學與劉學博恩寵
友善學博有名於時爲贈君高弟子尤推服君性
篤學寡嗜好不苟言笑嘗與學博讀書修山之麓
有女伶數輩雜以繩技角觚諸劇士女聚觀君鍵
戶讀不輟學博嘲之曰木石人自苦乃爾君笑謝
而已年十入贈君促之試君曰學求自信而已急
於求試何哉竟以力學得羸疾卒卒之夕執卷端
坐而瞑巖隱贈君痛之甚遺文滿篋悉取焚之故
不傳獨傳其好學一事顯鶴幼時習
聞元君言故耳熱之嗚呼不其賢哉

資江謠

四十八溪水五十三灘石水石相激鳴晝夜無時息
剗卻青灘石平鋪白溪水險巖無地無穩坐秋船裏
灘石非不高溪水非不深高深尚可測難測人之心

桃花港

朝發茱萸門暮泊桃花市不見桃花紅斜陽一溪水

夏處士光洛 二首

光洛字禹書一字雲臥益陽人性高潔癖嗜林泉
宅後古梅數株每花放時度木登眺其上因號梅
巢居士生平不應試不用世俗衣冠不與恆流款
洽年四十卒自志其墓夏典虞其兄子也遺命斂
以古禮服先大父授徒益陽時嘗一過其廬歎曰
夏雲臥絕人逃世如閒雲野鶴翛然塵外陶文毅
公嘗與子論列楚先人物云雲臥有託而逃古之
傷心人非可於今世求之蓋其人品爲甚高矣工

詞善書偶爲飛白體時人乃盛稱之有益陽書法
推三絕李真郭草夏飛白之語是直以一藝名之
豈足以語雲臥哉詩不見今摘其詞語爲二絕句
以存其概

雪中坐安樂山禪

十里扶筇踏雪山煨殘骨拙坐春寒
晨鐘暮鼓千年火圍頂方袍一日緣

次韻畱贈雲簡師

透頂粧成白玉山春寒偏怪勝冬寒
錫飛何處雲畱伴客到終朝雪作緣

羅隱士逸 一首

逸字樵長益陽人文介公裔孫性耽山水工詩畫
有柳園詩草縣志入隱逸傳有桃花水四體詞云
柳山橋上揖東風客思有誰同愁裏更經寒食花
落烏嘯空春漸去信難通輕煙漠漠細雨絲絲旅
色匆匆詩不多見

暮入鰻魚山坐觀音閣

殘紅斂盡晚江幽避暑披襟倚舊樓

自注閣建於先宗伯黃江公垂百餘年

潭水淨吞千顆月松風涼撼一林秋山亭無復茶煙細

自注

閣左有衆壑亭今廢城郭依然市井稠回首少年頻此坐

自注少時業於此

清歌時聽打魚舟

胡期孝二首

期孝字師虞寧鄉人

立秋後一夕看月

迎秋不見秋以月辨秋始昨夜月橫空孤光固相似獨覺
照今宵涼氣中秋水非月照則殊秋到乃爲爾自茲木葉
下亦復湖波起千里感秋人夷猶明月裏

月夜郊行

偶逐煙村路翻窮藜杖仄清時雞犬密樂歲穰梁收月色
人難夜風聲樹易秋中宵過華戶不怪道旁遊

陶埏一首

埏字廷光寧鄉人密公諸孫

雪中偶吟

西江雜錄卷之十一
簷端滴水結冰釵，海信催詩到別崖。
天凍嶺雲山似玉，人居村巷雪爲齋。
野山石瘦饑鴻驚，大壑風寒嘯虎豺。
我坐夜深悲且嘆，短歌何處寄孤懷。